

VENDIM
Nr. 13, datë 6.8.2014

**PËR SHPËRNDARJEN E FONDIT PËR
INFRASTRUKTURËN VENDORE, PJESË E
FONDIT PËR ZHVILLIMIN E RAJONEVE**

Në mbështetje të nenit 100 të Kushtetutës dhe të nenit 15 e të aneksit 3, të ligjit nr. 185, datë 28.12.2013 “Për buxhetin e vitit 2014”, Komiteti për Zhvillimin e Rajoneve

VENDOSI:

1. Financimin e projekteve në fushën e infrastrukturës vendore, pjesë e Fondit për Zhvillimin e Rajoneve për vitin 2014, sipas tabelës 1, bashkëlidhur këtij vendimi, me burim financimi vlerat e përcaktuara në pikat 4 dhe 5, të vendimit nr. 12, datë 1.8.2014, të Komitetit për Zhvillimin e Rajoneve.

2. Të gjitha njësitë e qeverisjes vendore, agjencitë zhvillimore, projektet e të cilave miratohen për t’u financuar sipas pikës 1, të këtij vendimi, duhet të paraqesin pranë sekretariatit përkatës teknik, në Ministrinë e Zhvillimit Urban dhe Turizmit, brenda 3 (tri) javësh nga data e publikimit të këtij vendimi, një kalendar me të gjitha afatet e prokurimit publik dhe zbatimit të punimeve të ndërtimit e përdorimit të fondeve (realizimit të investimit), për të vlerësuar realizimin e investimeve.

3. Ngarkohet Ministria e Zhvillimit Urban dhe Turizmit dhe Fondi Shqiptar i Zhvillimit të bëjnë monitorimin dhe raportimin e ecurisë së zbatimit të projekteve pranë Njësisë së Bashkërendimit të Programeve Zhvillimore dhe Planifikimit Strategjik, pjesë e Departamentit të Programimit të Zhvillimit të Financimeve dhe Ndihmës së Huaj.

4. Ngarkohen ministri i Zhvillimit Urban dhe Turizmit, ministri i Financave dhe Departamenti i Programit të Zhvillimit, financimeve dhe Ndihmës së Huaj, në Kryeministri, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYETARI

Edi Rama

Zëvendëskryeministri	Anëtar
Ministri i Financave	Anëtar
Ministri i Zhvillimit Urban dhe Turizmit	Anëtar
Ministri i Transportit dhe Infrastrukturës	Anëtar
Ministri i Arsimit dhe Sportit	Anëtar
Ministri i Shëndetësisë	Anëtar
Ministri i Bujqësisë, Zhvillimit Rural dhe Administrimit të Ujërave	Anëtar
Ministri i Kulturës	Anëtar
Ministri i Mjedisit	Anëtar
Ministri i Punëve të Brendshme	Anëtar
Ministri i Shtetit për Çështjet Vendore	Anëtar
Kryetari i Shoqatës së Bashkive të Shqipërisë	Anëtar
Kryetari i Shoqatës së Komunave të Shqipërisë	Anëtar
Kryetari i Shoqatës së Qarqeve të Shqipërisë	Anëtar
Kryetari i Shoqatës për Autonomi Vendore	Anëtar

Tabela 1. Projektet për financim të infrastrukturës vendore, tifrja e tretë

Nr	Autoriteti Kontraktues	Emërtimi i projektit	Vlera e plotë e projektit (lekë)	Vlera për financim 2014	Vlera për financim 2015
Qarku Berat					
1	Komuna Gjerbës	Projekt zbatimi për rehabilitimin e sheshit të Komunës Gjerbës	7,718,369	6,174,695	1,543,674
2	Bashkia Çorovodë	Sistemim, asfaltim dhe ndërim i segmentit rrugor "Arkitekt Kasemi"	74,620,091	29,848,036	44,772,055
Qarku Durrës					
4	Bashkia Krujë	Rruga "Kalaja", Krujë: "Sistemimi dhe ndërim i rrugës së malit të Krujës"	16,094,040	11,265,828	4,828,212
5	Bashkia Korçë	Restaurimi i pazarit të vjetër të Korçës, Loti 1, Loti 2	260,131,065	100,706,196	159,424,869
6	Komuna Udenisht	Sheshi Qendër-Udenisht, Rruga nacionale	30,000,000	15,000,000	15,000,000
Qarku Tiranë					
8	Fondi Shqiptar i Zhvillimit	Rivitalizim urban i dy shesheve në Tiranë (1-Rehabilitimi i hapësirave urbane pranë Teatrit të Kukullave dhe lidhja me rrugën "Ibrahim Rugova"; 2-Rehabilitimi dhe sistemimi urban në hapësirën midis Ministrisë së Punëve të Brendshme, MZHUT, MTI, Teatrit Kombëtar dhe Teatrit të Komedisë)	90,650,000	36,260,000	54,390,000
Qarku Vlorë					
9	Fondi Shqiptar i Zhvillimit	Rikonstrukcion i urës Zvërnec	1,500,000	1,500,000	0
10	Fondi Shqiptar i Zhvillimit	Ndërrhyrje për rehabilitimin urban dhe gjelbërimin përgjatë segmentit "Plepa në Durrës deri në Hyrje Vlorë"	120,501,750	48,200,700	72,301,050
11	Fondi Shqiptar i Zhvillimit	Supervizimi dhe kolaudim objekteve të financuara nga Fondi për Zhvillimin e Rajoneve	4,827,389	4,827,389	0
TOTALI			606,042,704	253,782,844	352,259,860

Shënim: 1.a "Vlera e plotë e projektit" përfaqëson vlerën brenda të cilës caktohet fondi limit për prokurimin e zbatimit të punimeve (kur nuk ka financim tjetër nga autoriteti kontraktues).

1.b "Vlera e financimit për vitin 2014" tregon vlerën e financimit që vihet në dispozicion nga buxheti i Fondit për Zhvillimin e Rajoneve për vitin 2014.

1.c "Diferenca e financimit të vlerës së plotë (mbas prokurimit) me vlerën e financimit për vitin 2014 do të financohet nga Fondi për Zhvillimin e Rajoneve për vitin 2015".

2. "Objektet me autoritet kontraktues Bashkinë Korçë, FZHZH (projekti 8) si edhe Bashkinë Krujë, do të zbatohet në bashkëpunim me Ministrinë e Kulturës, Institutin e Monumenteve të Kulturës, në përputhje me ligjin nr. 9048, datë 7.4.2003 "Për trashëgiminë kulturore".

3. Fondi për supervizim dhe kolaudim i bashkohet fondit të përcaktuar sipas pikës 2/c, të vendimit nr. 12, të Komitetit për Zhvillimin e Rajoneve, datë 1.8.2014. Fondi Shqiptar i Zhvillimit kryen detajimin e fondit për supervizim dhe kolaudim, për çdo objekt të miratuar për vitin 2014, sipas nevojës.

4. Projekti nr. 10, do të zbatohet në konsultim me Ministrinë e Mjedisit dhe me Ministrinë e Transportit dhe Infrastrukturës.